

futandum celestes ei virtutes contulit, ita beatum confessorem suum, scilicet Eu-
charium discipulum eius, ad hanc urbem preordinavit, vero honore insignivit, spi-
ritu etiam et virtute eiusdem magistri divinitus confirmavit. Congruebat quoque,
ut, quem post se secundum presidem in Germania atque Gallia haberi decreverat,
affectu sacre sollicitudinis institueret, dignitatis gloria, qua precelleret, mirificaret,
fide purissima ac virtutum eminentia sublimaret, constituens eum in honore
et potentia, sicut Christus eum elegit et ceteris omnibus princeps principem super
principes principaliter promovit. Nequaquam sacrilegia et multimoda genera su-
perstitionum removeri possibile esset, nisi potentia spirituali prestaret, qua tre-
mendas potestates urbis huius et patrie superaret ac sceptra eorum regi regum tra-
deret et iugo eius subdi colla compelleret. Ad hoc etiam secundum apostolum non
solum *adversus carnem et sanguinem* ineunda erat collectatio, sed *adversus prin-
cipes et potestates, adversus huius mundi rectores tenebrarum harum, adversus
spiritualia nequitie in celestibus.*³⁰ His quidem nequitarum officiis gradibusque
atque ordinibus Leviathan stipatus explorat iustos in seculo, indignans, quod suo
non obsecundantur imperio. His principibus adversus servos Dei obtrectare non
desinit, in quibus non regnat, multis modis impugnare satagit, postquam per po-
tentiam sancte crucis antiqua vasa depredationis perdidit. Sed quia ipsi perfec-
tionis studio terrena transcederunt, quamvis propter temptationa utcumque ad-
versus eos obstrepit, cepta tamen eorum desideria non retundit, quia potestate tali
divina miseratione annuente caret. Nec ambigendum est, fratres, quia ab his des-
criptis insidiarum artificibus plurima certamina beatus pater noster sepe pertulit
et, quasi in acie procinctus, continue stetit, ingentes agones exercuit, sed vallatus
custodia ac divina protectione, hostilibus eorum telis non patuit.

Et si aliquando lapsus aliquem incurrit, ipse lapsus iusticie eius non preiudicavit,
quia secundum psalmistam *Dominus gressus eius direxit,*³¹ et ne collideretur, iure
pietatis manum subposuit. Nullum quidem est tam pertinax sanctorum studium,
nullum tam arduum propositum, ut non aliquando eorum illusionibus aliquod in-
currat impedimentum. Nam in omnibus, qui de carnis delectatione concepti sunt,
princeps mundi huius aliquit suum invenit, sed ille, qui solus est inter mortuos,
liber a debitis eum solvit. Ipse quoque ante passionem suam libera voce dixit:
*Venit enim princeps mundi huius et in me non habet quicquam.*³² Hoc quidem
nullus sanctorum dicere presumpsit. Quis enim huius civitatis populum ad eum in-
terimendum excitavit, quis exertum ad lapidandum eum reddidit, nisi ipse spiri-
tualium nequitarum virtutes, que previdebant meritis eius sanctis se exterminari,
dominatione privari, a tabernaculis diu possessis excludi. Sed cum imminenti ex-
itio urgeretur princeps huius mundi diabolus³³ in virtute et spiritu beati Petri
apostoli magistri quidem sui, iniquam presumptionem eorum coercuit, et sicut
ipse Symonem magum magica quidem levitate ad celum volando ruina pro-

³⁰ Eph 6,12

³¹ Prv 16,9

³² Jo 14,30

³³ Konjektur H